

www.BibleForChildren.org

Mateyu 8



Galdildeyaxa kaldeñgueni maiguake kuíbuldu Kanáxa ezua numa nexaldixa na zexá. Atshake Duwetshi ajaba jiaga exa na izhoxá. Guatshak Duwe Jesú, aldéñ shi kagitixakuañ jiaga eñka zatiakue zñngabene nalguake jeñ ne.



Ekí zhekualdiñga kalwéldia siyagaxaune atuxaldixa
janagatune nalgué nauxa saldinatshak, Duwe ajabaja
ekí akbeyá: —Kalwéldia siyagaxaune kaksaldí na gu.
Akbeyatshak jiaga ajabaja exa jibatshixakuek ekí
kakbeyá: —Ji eja atshakue miñmeyaldiake, amak
miyaxatshaldí.



Nalgué na, Duweja exa jibatshixakuek ekí
kakbeyá: —Ni tashígaba jákboksukuek
muldetua suñguaminegaba guwíñ.
Guñguake amak jialda jialda asuñguá.



Guake Duweja ekí kakkbeyá: —Kaigaki nauwa akbe xaldeki numa negatuka jika janagaktuatukaja guajaldiamak akulde guwíñ. Guake exa jibatshixakueja amak akualdeyatshak, kauwizhéñki ni tashí nuxa akuxane kakué.



Guatshak jika janaktuatukaja zɛnake ni tashík akuxane aksúñ. Nalgué guaji, nauwa tugatshake, kalwéldiaga nekldē muldetua we akzé tu.

Guakna numa negatuka ixaulgueniekí akbeyá:

—Saldiñga nekuejañki axáñ misha kalwéldia siyagaxaune akzekldē akldé we akzé misha axaldakldēkuek agaxauñka.



Gualdinik agubisha atugapanatshake, egaba aguáñ we
akzé niñkauwañki agaxauñka. Ne mañki kalwéldia
siyagaxaune akldé we akzé
ikaiga mishkauwaldixa
mexamalde noxé tubaldá!



Guatshak Duwe Jesú “me ne” awatuñshaldiamak
janshizhe ajanashaté atú guazhámak
kasaklde atshaneki Galdildeya
baxe kuíbuldu Kanáxa na
ekí atshá.




Ekí akldé akzé awatuñshatshakna,
aldéñ shi kagitixakuañki namak
jañgui alduna ishiji
izhogapanañkalde.



Guñgueniki Duwe Jesú Péguldu tshuxa
neyatshake, etshi akagiki guañgua
zalda akzegatuka sha tu.



Ekí tuñguake munzhitshi káuxalda kaugipañguatshake
guañgua zalda iskaitshake, izhgaldagueniki akauwaldá
na gua.




Guñguenik tuañ zegapanatshake saldiñga mulbatá akzekakue, jisétshi alduna ijuldunekue juizhi Duwek akualdák. Atshaga na, naki saldiñga kuíbuldu ashekualguauxa jugatezhakgaba ajuizhaldék.



Atshakna Duweja matshuwi mulbatá sha sha akzekakue se kakzukui, matshuwi jisétshi alduna ijuldunekue jiaga kezheñshá. Ai aldunakueja aldéñki Jatetshi Asukuága ne kakualdatshakna, Duweja ai shalda ni ji kakuakshakí na naldá.



Ekíga na, Duweki kama axaldéñ zhinik na, mulbatá kakzekakue nalguauxa se kakzukuane, nalguakna saldiñgaja se kakzukualdiamak Duwe ajugundana na kakzexá.



Amak shizhiyatogueña na, ezua sigí abua
axazauwaksánane ixabakak akshaña apebukue
makaiwa aldaldi awaldák.



Aiki Duwe nugeñka awaldaxaldixa
ajañguane nalgué, kágubakue
zhikyokualdi kas ashekualguakna,
akualdeyazháka atú.



Ekí atuñguake juwí bakaldaxa
awalditshigueniki, juwí nauwa
agapoñguñguenik, ai ga sigíki
ixabakak akshaña
shibuldik agajieñguá.



Ekueja Duwejañki se akzukualdixa alduna iyashiji
akualdaklde katuakna, abua
axazauwaksánanek ekí
akbeyá: —Nasukuá,
sha matshixa nuk
mixabetá ni gukú.
—Ekí mikbeyaldikue:
Izhgaté, mixabaka
guxa xaldeki
mijuldi newa.



Guñgueniki Duwe Jesú aldéñ shaxaldixakue juizhi
kanuwak ajuldunguenik uniñkauwa
agabatexaldá. Amak
agabategatogueñki tua
kakzegagáñga, múlkalda
kamakualdi neyaldá, niwa
jiaga kamakualdi kuiziji na,
kanuwak ni s̄n nexaldá.
Ekí zegatoguéñ, Duweki
kabane na noxá.



Guake kakiyó: —¿Jinak shi ekí zúxaita zalda zhe miñzék? Auxaga alduna nazishakí zhinik guana ekí miñzegashá. Ekí kakbeji na, izhgaldagueniki múlkalda kamakualdi neyatogué, niwa kuizatogué ekí axaldék: —Te nogwá. Ekí niuwi agegatshaga na múlkalda neyaksá, niwa jiaga kuizaksánatshake mokue janshibeñga ne na zexá. Ekí atshaté



atuatshakna, “¡sakí shi ekí atshí!” ajañgui na, ataba atabañ zhinik: —Jalde sigíki ¿me nak ekí múlkaldaja, niwaja amak axatshixa ne? —na izhgaldukajá.



Guatshak Saldiña netshi Jateki káguba
kagik katshekuauxa zəxaita
zənezhgajañguxága na, Asukuá
ezuamé axaldé jiaga, nauwitsaldí
shuixaldiamak zəñgakaxane.



Ekíki mieldeki Asukuá “nazikuanamak
shakldá” jañgui ipanaldiake, guiyaba tu
za nogakueñka neyagába, jékaldaxa
izhoshiñga izhoxaldiamak.



Aldumaxa 3:23 Akze, kágubak katshekuauxa ijulduni mual, sha atshál katshekue nakna, ni ezuak Saldiña netshi Jate akaldak akzeja janshezhe izhogakue zɛnajañguaneñka akldañkazhá guáñkalde.

Aldumaxa 6:23 Akze, mieldeki sha atshál za izhoxaldiák, ilzabiji mual shuigakue, Jatek agajué nogakue agatsaldataná. Ekí ne, Saldiña netshi Jateki éegaba guañ zɛnajañguéñ zhinik na, mieldejañki Asukuá nauwijí Sáñkalda Duwe Jesú Zɛnekualka ipanatshak, aldéñ nugeñka izhoshiña izhokshataná nzha.

Ebeldeyu 9:27 Akze, kágubake atshuamé shuigakue zɛñgatsé. Gualdinik Jateja zɛñgatsaldi azhi zɛñgatsaldakí ne axazɛnezhagakue zexaldixa.



Epesuxa 2:8,9 Akze, Saldiña netshi Jateki éegaba guañ zɛnajañguéñ zhinik na, Asukuá Duwe Jesú namak jañgui alduna kishatshakna zɛnekuá guane. Ne, axaldáñ sakígaba janshibé katshéñ zhinik Jate zɛnekualdagába, éegaba zɛnekuá guane. Akze, aldéñki ni me janshizhe atshéñ nuxa ikualdazhé. Ekíki ni me axaldáñgaba atshéñ nuxa ishkuane sekuazhikshazháldiamak.

Aldumaxa 10:9,10 Mieldeke “Duwe Jesúki Saldiña netshi Sáñkalda izhogamaga nzha” nauwixaxak naldi guashi, aldunaxa “Duwe Jesúki shuiguenik Jateja mokue izhgaldakshanamak shakldá” namak kajañgualdiák Jateki zɛnekualdaldixa. Jinake naldakí. Nauwijí aldunak guana “Duweki shuiguenik Jateja mokue izhgaldakshanamak shakldá” kajañguatshakna, Jateja sha atshazháñkalde jana, janshizhe zɛnatuñka. Ekibeña, nauwixaxak naldi zɛnaldukaté noxaldiéñ, “Duwe Jesúki nají Sáñkalda nzha” gakuagatshakna, Jateki amak zɛnekualka nakldá.



Juañ 3:16,17 Guatshak Saldiña netshi Jateki káguba kagik katshekuauxa zexaita znezhgajañguxága na, Asukuá ezuamé axaldé jiaga, nauwitsaldí shuixaldiamak zñgakaxane. Ekíki mieldeki Asukuá “nazikuanamak shakldá” jañgui ipanaldiake, guiyaba tu za nogakueñka neyagába, jékaldaxa izhoshiña izhoxaldiamak. Akze, sha katshixa shalda guiyaba tuakue zñgatsé axazñdaxalki Asukuá jai kagik zñgakagazháne. Ek zhinik káguba kagik katshekuauxa znekualdaldiamak zuna zñgakaxane.



1 Juañ 5:11-13 Akze, Jateja jalde guana akuahamak ne zũmeñka: Asukuá zũnekuane namak jañgui ipañañkaldekuañ za na abisajañ izhoshiña zũnezhokshapanane. Akna mieldeke Asukuá ipañañkaldekuañki abisajañ izhoshiña kizhuka. Ekí ne, mieldejañki Asukuá ipanakí naldaldiák, e na izhoshiña izhogazháka naldaldixa nzha. Maiñ “Duwe Jesúki Jatetshi Asukuága nazikuanamak nakldá” jañgui ipanaminekuañ na jalde kalta ekí miñgakauwatokuge. Ekíki abisajañ izhoshiña izhogapanamine muldetua miñkualdiña mizhekualdaldiamak. [Ekíga na, abá naldakí “Jatetshi Asukuá Duwe Jesú nazikuanamak shakldá” alduna ishalga minoxaldiamak.]



Mateyu 8-9; Malku 1-2, 4; Alduka 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Kogi NT (kog) © 2015, Wycliffe Bible Translators, Inc. All
rights reserved.

<https://www.bible.com/bible/1505/MAT.1.KOGNT>

©2025 Bible for Children, Inc.

www.M1914.org

www.bibleforchildren.org

